

**Түркістан облысы денсаулық сақтау басқармасының «Жансая»
облыстық балалар оңалту орталығы» шаруашылық жүргізу
құқығындағы мемлекеттік коммуналдық кәсіпорынының сыбайлас
жемқорлыққа қарсы іс-қимыл туралы ҚР Заңы негізінде атқарылатын
тиісті шаралар туралы өткізілген жиналыстың**

№4 хаттамасы

Кентау қаласы

01.10.2023жыл

Өткізілген орны: Кентау қаласы, Ш.Уалиханов көшесі 3А ғимаратында.

Өткізілген уақыты: сағ: 12:00, кіші зал.

Қатысқандар:

- М.П. Байжуматова., басшының орынбасары, жұмысшы тобының төрайымы;
- Г. Н. Балабиева., мамандар бөлім инспекторы, комплеанс офицері;
- К.Т. Абиханова., кәсіподақ төрайымы, жұмысшы тобының мүшесі;
- Э. О. Бекназарова., бас бухгалтер м.а, жұмысшы тобының мүшесі;
- Қ. А. Уытов., МСА есепшісі, жұмысшы тобының мүшесі;
- Кәсіпорын қызметкерлері (*дәрігерлер, мейіргерлер*).

Күн тәртібінде:

1. Сыбайлас жемқорлыққа қарсы комплеанс қызметі жайлы;
2. Квазимемлекеттік сектор субъектілеріндегі сыбайлас жемқорлыққа қарсы комплеанс-қызмет туралы үлгілік ережесін түсіндіру.
3. Түрлі мәселелер.

Бірінші мәселе бойынша - жұмыс тобының комплеанс офицері Қ.Уытов сөзді алып, Сыбайлас жемқорлыққа қарсы іс-қимыл туралы заңының 16-бабы кәсіпкерлік саласындағы сыбайлас жемқорлыққа қарсы іс-қимыл шаралары тізбектеп төмендегілерді баяндады:

1. Кәсіпкерлік субъектілері өз қызметін жүзеге асыру кезінде сыбайлас жемқорлықтың алдын алу жөнінде, оның ішінде сыбайлас жемқорлық құқық бұзушылықтар жасауға ықпал ететін себептер мен жағдайларды барынша азайту бойынша:

- 1) шешімдер қабылдау рәсімдерінің есептілігін, бақылауда болуын және ашықтығын қамтамасыз ететін ұйымдық-құқықтық тетіктерді белгілеу;
- 2) адал бәсекелестік қағидаттарын сақтау;

- 3) мүдделер қақтығыстарын болғызбау;
- 4) іскерлік әдеп нормаларын қабылдау және сақтау;
- 5) сыбайлас жемқорлыққа қарсы мәдениетті қалыптастыру жөніндегі шараларды қабылдау;

6) сыбайлас жемқорлықтың алдын алу мәселелері бойынша мемлекеттік органдармен және өзге де ұйымдармен өзара іс-қимыл жасау арқылы шаралар қабылдайды.

2. Кәсіпкерлік субъектілері үшін сыбайлас жемқорлықтың алдын алу жөніндегі стандарттарды кәсіпкерлік субъектілерінің бірлестіктері (қауымдастықтары, одақтары) әзірлеуі және қабылдауы мүмкін.

3. Квазимемлекеттік сектор субъектісінде негізгі міндеті осы ұйымның және оның жұмыскерлерінің Қазақстан Республикасының сыбайлас жемқорлыққа қарсы іс-қимыл туралы заңнамасын сақтауын қамтамасыз ету болып табылатын құрылымдық бөлімше немесе сыбайлас жемқорлыққа қарсы комплаенс-қызметтің функцияларын атқаратын жауапты адам айқындалады. Бұл ретте сыбайлас жемқорлыққа қарсы комплаенс-қызметтің функцияларын атқаратын жауапты адам мүдделердің ықтимал қақтығысы ескеріле отырып айқындалады.

Сыбайлас жемқорлыққа қарсы комплаенс-қызмет өз өкілеттіктерін квазимемлекеттік сектор субъектісінің атқарушы органынан, лауазымды адамдарынан тәуелсіз жүзеге асырады, директорлар кеңесіне, байқау кеңесіне (ол болған кезде) немесе өзге де тәуелсіз басқару органына есеп береді және Қазақстан Республикасының сыбайлас жемқорлыққа қарсы іс-қимыл туралы заңнамасы талаптарының сақталуын қамтамасыз ету кезінде тәуелсіз болып табылады. Сыбайлас жемқорлыққа қарсы комплаенс-қызметінің құзыреті, қызметін ұйымдастыру мен оның тәртібі квазимемлекеттік сектор субъектісінің ішкі актісінде айқындалады.

Сыбайлас жемқорлыққа қарсы іс-қимыл жөніндегі уәкілетті орган кәсіпкерлік жөніндегі уәкілетті органмен келісу бойынша квазимемлекеттік сектор субъектілеріндегі сыбайлас жемқорлыққа қарсы комплаенс-қызметтер туралы үлгілік ережені әзірлейді және бекітеді.

Квазимемлекеттік сектор субъектілері болып табылмайтын кәсіпкерлік субъектілері сыбайлас жемқорлыққа қарсы комплаенс-қызметтер құруға құқылы.

14. Квазимемлекеттік сектор субъектісі сыбайлас жемқорлыққа қарсы комплаенс функцияларын енгізу және жүзеге асыру кезінде мынадай қағидаттарды басшылыққа алатынын түсіндірді:

- 1) сыбайлас жемқорлыққа қарсы комплаенс функцияларын орындау үшін бөлінетін өкілеттіктер мен ресурстардың жеткіліктілігі;
- 2) басшылықтың сыбайлас жемқорлыққа қарсы комплаенс тиімділігіне мүдделілігі;
- 3) сыбайлас жемқорлыққа қарсы комплаенс-қызмет қызметінің ақпараттық ашықтығы;
- 4) сыбайлас жемқорлыққа қарсы комплаенс-қызметтің тәуелсіздігі;

5) сыбайлас жемқорлыққа қарсы комплаенсті жүзеге асырудың үздіксіздігі;

6) сыбайлас жемқорлыққа қарсы комплаенсті жетілдіру;

7) сыбайлас жемқорлыққа қарсы комплаенс функцияларын жүзеге асыратын мамандардың құзыреттерін үнемі арттыру.

Пациенттер және олардың ата-аналарына ақпараттық-түсіндіру шаралары жасалынды.

Соңында қызметкерлер әртүрлі сауалдарды жолдады. Әрбір сұрақтарға толық жауаптар берілді.

Қорытынды:

Жұмысшы тобының төрайымы М.Байжуматова отырысты қорытындылай келе қаулы етті:

1. Сыбайлас жемқорлыққа қарсы іс-қимыл жүргізуді жүйелі түрде әрі қарай жалғастыруды, қадағалауды комплеанс офицерлері Г.Балабиева, Қ.Уытовқа жүктелді.

2. Сыбайлас жемқорлық фактілерін болдырмау және алдын алуды әр бөлім меңгерушілеріне тапсырылды.

3. Осы жиналыстың хаттамасын кәсіпорынның сайтына, әлеуметтік желідегі парақшаларына жүктеу тапсырылды.

Жиналыс төрайымы:

М.Байжуматова

Комплаенс офицер:

Қ.Уытов